


Gaa-zanagak aakoziwin Niizhosagoons-ashi-zhaangaswi (gaa-zanagak aakoziwin-ashi-zhaangaswi)

Chi-bezhigo'ayaayin: Gikinoowaabanda'iwewin onji gowe gaa-ganawenimaawad awiyag, gaa-wiijidamaawad idash apane gaa-waabamaawad

Giishpin ganawenimad awiya gaa-ayaad gaa-zanagak aakoziwin-manijoozhens, giin gaa-wiijiindiwad. Owe gaa-dagwiiwin mino'ayaayinwigamigoons iga miiniigoog ge'izhichigewin chi-naanaagiji'idiziwin ezhi'ayaayin, aaniin ge'izhichigewin chi-mino'ayaayin, aaniin ge'izhichige'in maaji aakoziwin idash ge'izhi wiindamowidwaa. Geget igo wiindamowe gowe aakoziwigamigong enokiiwad iwe awiya giin-gaa-wiijiindiwad awiya gaa-ayaawad aakoziwin-ashi-zhaangaswi

Giziibiiginigiin moozhag

- Gi-ziiibiiginijiin aabijitooon giiziiiba'igan idash gaye nibi ishkwaawabamad gaa-aakozid.
- Aabijitooon ishkodewaaboo-bekichigan gaa-onitoot manijooshensag miigaa aakoziishkaa-gewaad.



Biizikan agwazhe'on, ninjii-minjikaawanag idash gaye gichi-oshkiinzhigokaanan

- Biizikan agwazhe'on, ninjii-minjikaawanag idash gaye gichi-oshkiinzhigokaanan waabamad owe awiya osikowin gemaa gaye wiiyawaaboo (omiskwi'in, abwezowin, ozikowin, ozhigiwinaaboo, ozhigiwinaaboo, idash gaye omoowin).
- Mii'awe nowe chi-aabijitooon chi-ganewendaman gishkiinzhigoon gichi-oshkiinzhigokaanan, gibiigweganan.




Webinan gininji-minijikaawanag idash gaye agwazhe'on ishkwaawabijitooon

- Giizikon gi-ninjii-minjikaawanag, idash gaye agwazhe'on gii-ishkwaawabijitooon awiya idash webinan imaa webiniganabik gaa-ateg iwe zhaabwaate'iigini.
- Giizikon gi-ninjii-minjikaawanag idash giziibiiginijiin aabijitooon giiziiiba'igan idash nibi jibwaa giizikon gi-agwazhe'on.
- Mawaach, gibiigweganan idash gichi-oshkiinzhigokaanan daa-azhe aabijigaatewan idash daa-giziibiiganigaatewan aa'api ishkwaawabijitooon owe gida aabijitooon giziinaagane-giziiba'igan gemaa ishkodewaaboo-bekichigan gaa-onitoot manijooshensag migaa aakoziishkaa-gewaad giziiba'iganan.
- Giziibiiginijiin miinawaa aabijitooon giiziiiba'igan idash nibi jibwaa zaaminaman gidengwaan gemaa gaye jibwaa gegoo izhijigewin.



Gego nibiwaa bagidinaaken biiwiddeg chi-biindigewad endaayin

- Gowe eta biiwiddeg gitago chi-waabamadwaa idash ajina eta.
- Awe gaa-aakozid chi-gagwe ayaasiwad besho gowe gichi-ayaa'aag, idash gaye gaa-aakozi'ayaawad (ziinzibaakwadwaapinewin, gaa-zanagak aakoziwin adayaan opaning)



Gego maada'oonidiwag gegoo gaa-aabijitoowan endaayin.

- Gego maada'oonidiwag onaaganan, minikwejigensan, onaaganesan, wiisini-aabajichiganan, gaasiingwaan. Nibe'iyaanan gemaa gegoo'an gaagii aabijitoot awiya gaa-aakozid.
- Gii-ishkwaa aabijichigaategin nowe gitago chi giziibiiginigaategin owe giziibiiga'iganaaboo idash gaa-giizhoowag nibi.
- Daa-aabijigaatewin gaa-giziinnaganemagak idash gaye gaa-giziibiiga'igemagak.
- Gego wiiji-zagasweken awiya



Bekichigen

- Bekitooon gi-endaayin aabijitooon gaa-bekichigewinan.
- Bekitooon apane gaa-zaaminagaategin daapishkoo miiziwigamigoon, minjiminiganan, gaa-baakinigaategin ishkwaaandeman, idash gaye nibewan adoopowinesan endaso giizigad.



Giziibiiginan gigishkiganan weweni

- Gaamech bebakaan chi-atoowin nowe gigishkiganan, gitago chi-biiskamam ninjii-minjiikaawanag zaaminaman gegoo.
- Giziininjiin aabijitooon giziibiiga'igan idash nibi aazhemang giiskaman gininjiiminjikaawan.



Ayaangwaamizin zaaminaman gaa-webinigaateg

- Akina gaa-webinigaateg daa-aijigaate imaa webinigaanaabik
- Ziigwebinaman webinigaanaabik, gegoo zaaminagen gaagii-aabijigaategin chi-jaachaamowin. Adoon iwe zhaabwaate'iigini-mashkimodens nooch daa-wendan chi-aabijigaateg
- Giziinjiin aabijitooon giziibiiga'igan idash nibi gemaa ishkodewaaboo-bekichigan gaa-onitoot manijooshensag miigaa aakoziishkaa-gewaad ishkwaa ziigwebinaman webinigaanaabik



Gagwe gakendan akina gegoo mii'iwe oshki-aakoziwin-manijoozhens.

Aakoziwin-ashi-zhaangaswi mii'iwe oshki-aakoziwin-manijoozhens, aazhoo'iwe gaa-aakozid gii-ozosodang ozikowin gowe gaa-wiiji-daamad gemaa gaye gaa-ganawenimigod. Gi-daa inaab omaa gikendamaawin onji aakoziwin-ashi-zhaangaswi omaa onderiyoo wegimaawaadiziji onji mino'ayaawin giiwiitaakamisab: ontario.ca/coronavirus.

Geyaabi noonde gakendamin omaa izhaan: _____

Owe gikendamaawin megwaa go opii miinike-giizis nisimidana, niizhosagoons-niishtana

Ogimaakwe gaa-ozhibii'igeyaamagak onji onderiyoo, niizhosagoons-niishtana